

“Biografía di George Andres Viguier”

George Andres Viguier, ta un number Frances di su tata.

George a nace na Buenos Aires, Argentina dia 16 di october 1928. Number di su tata ta Jorge Viguier y su mama yama Nora Agnes Viguier Sterlin. George a nace den centro di e ciudad. Despues nan a move pa diferente lugá di Argentina. E ultimo lugá, tabata Olibos, e ta un suburbio di Buenos Aires. George tin dos ruman muhe. E ta di tres ruman, kiermen e ta e mas jong. Nunca George a casa. E di: “M’a casa, pero pafó di misa, ha ha si bosó a compronde. E novianan ta mas bien amiganan.” Su tata tabata violinista den su hubentud.



Segun George e bida artistico no ta ningun rumbo ni cambio den bida

George ta George aki manera e ta y tabata, unda cu e bay. Bay lesa y toca bon presta atencion, no molestia ningun hende y keda keto.

E bida artistico

Di chikito caba, nan tabata hib’e den e Plum Plaza den e tempo ey riba diadomingo. Ey nan tabatin semper un banda municipal, cu George tabata gusta. Ya musica tabata den su sanger. E kier a dedica su mes na otro profesion di comercio, pero semper George tabata gusta e bandanan, anto e tabata mira y scucha nan y su tata a mustre tur e instrumentonan cu tabatin. Djey padilanti semper George a gusta musica y di chikito e regalonan di cumpleaños tabata un instrumento,

un harmonica of un clarinet di hunga. Despues George a bay na e profesornan di trompet. Un di e profesornan di trompet ainda ta na bida y e ta biba na Canada y e ta amigo di su colega Oscar Serrano. George a cuminsa skirbi algun areglito pa amigo- y bisñanan. Nan tabata toca mas bien musica di Dixie Land y asina George a sigui studia. El a bay cerca e profesor cu awor ta na Canada. Despues el a studia mas seriamente cu e prome trompetista

di e Orkesta Nacional di Buenos Aires y e tabata toca tambe den e otro luganan y teatronan clasico. E tabata masha bon profesor y el a yuda George cumpra su prome trompet cu a remplasa un cornet bieu cu e tabatin. George a sigui asina y cu su amigonan el a forma un orkesta chikito y nan tabata bay toca pa fiesta di cumpleaños y cosnan asina gratuitamente y specialmente musica di Dixie Land y algun otro cancion.

Desaroyo musical

George a bay cerca Bernardo Barbara, e cabayero cu sigur ainda ta na bida na Canada. Despues el a bay studia trompet cu e prome trompetista di Teatro Colon di Buenos Aires. El a yega di toca na Teatro Colon cu un grupo acompañando un Americana di color, pero tabata un famoso cantante Americano, pero tabata bibando na Francia. E no por corda su nomber awor. George tabata toca den nightclub cu 21 aña di edad hunto cu un cabayero di Uruguay, kende tabata chaffeur di careda y a muri desgraciadamente. Masha bon cabayero y bon musico. E tabata violinista y conductor. Den un nightclub nan tabata tocando cerca di cas, anto George tabata bay y bin anochi cu bais. Esaki tabata su prome trabou profesional cu musiconan profesional.

E parti internacional

George a toca cu bandanan y cu e orkestanan. El a toca cu un grupo hopi conoci masha bon y el a bay Argentina, Chile, Colombia, Uruguay y hopi lugan mas. Na Colombia e doño di e nightclub tabata kier pa George keda, pasobra no solamente e tabata trompetista sino e tabata un tiki payasito. Nan tabata gusta su manera di haci cosnan pret cu hende y e tabata un atraccion. Despues su mama a bira malo y su ruman muhe a pidie pa bolbe bek. George a toca na Argentina den varios luga. No tin ensayo. Si bo sa lesa musica, djis toca. Despues el a bolbe bek Aruba pa biba y el a toca cu gruponan local tambe y despues cu Oscar Serrano. Semper George tin recuerdonan bon di Aruba.

Experiencia musical na Aruba

E prome banda tabata un grupo cu George a forma pa e famoso cantante di Calypso Lord Bokso. George a trece dos alumno di dje, nan a pasa riba e musica, e areglo tabata hopi dificil. Sin miedo nan a toca fantastico. Bokso a canta e miho Roadmarch y Calypso. Lord Bokso tabata hopi simpatico, hopi bon hende y e tabata asina contento cu e banda cu preparacion di ensayo, hunto cu George y e pianista. Sr. Provence kende ta tata di Rosmary a pidi George pa bay duna les na Scol di Musica Rufo Wever.



George como docente na Scol di Musica Rufo Wever



George den Large Ensemble na SMRW

George a haya esey fantastico, anto George a cuminsa desde e tempo di mener Provence. Riba diadomingo cu e dos prome barconan grandi di turista esta Sta. Paula y Sta. Rosa, tabata na Aruba, George y otro musiconan tabata haya invitacion pa toca pa e pasaheronan di e barconan aki. Anto tabatin un steelband tambe ta tocando, George a tende cu aki tin un mucha cu kier pa e ta toca un tiki trompet, pasobra el a mira con George tabata toca den e show asina. Si, jong y cu hopi gusto para na banda. E tabata Franklin Granadillo.

Presentacion cu gruponan musical

La Nueva Fuerza di Vicente Kelly, nan a trata George hopi bon. E tabata hopi contento hustamente pasobra el a toca hunto cu Franklin Granadillo, un gran musico. Despues George a toca cu Papito y su Doble Sabor. E banda aki tambe a zona bon cayente. Ora cu George a toca cu e hendenan aki e tabata sinti felicidad E profesionalnan aki a trece hopi alegria pa e hendenan di Aruba y George a biaha varios biaha cu nan.





La Nueva Fuerza 1984



Papito y su Doble Sabor

Sugerencia pa futuro generacion

George ta sugeri pa e musico bira un profesional bon studia y pa e conoce su instrument. Ademas bo mester tin talento, si bo no tin talento ta mas miho cu bo bay den musica pa amateur y djis toca bo guitarra pa fiestanan den famia. Awor si bo ta bay den direccion profesional, miho bo studia musica cu dedicacion. George mes no a studia manera mester ta. E tabata studia si, pero e por a studia mas miho. Por ehemel, e por a studia harmonia, pero George no ta areglista. E ta un simpel tocado di trompet. E ta stima musica.



George den compania di su alumnonan